

لطفی

شام تاریخی

برنجی کتابک برنجی جزئی

مجلس معارفک رخصتیه طبع اولنشددر

استانبول

۱۳۰۰

مطبعه ابوالضیا — درغلطه

مطبعة أبو الضياء

غلطه ده عرب جامعی اتصانده عدد ۸

Imprimerie EBUZZIA.  
8 Rue Arab-Djamissi, Galata.

## افادهٔ مرام

اشبو تاریخی یازمقدن مقصد عاجزانه‌م ولو  
دکرسز اولسون کتبخانهٔ اخوانه بریادکار براقمنی آرزو  
ایتمکاکمدره. مادامکه انسان قرنجه مقدارنجه دنیاده  
ابقای نامی ایچون بر اثر براقمنی ایستر بنده کزده دهها  
قلم طومتق اقتدارینی تحصیل ایدهمدیکم حالده بویله  
آثار نشرینه قالمشمنغم فخر الادبا عطفولو کمال بک  
افندی حضر تلرینک جهان ادبیاته کتوردکلری  
انقلابات اثری اولدیغنی اعتراف ایتمسه‌م خطا ایتمس  
اولورم. و بوسيله ایله‌ده تشکرات مخصوصه‌می میر  
مشار الیه حضر تلرینه علناً ایفایه جسارت ایدرم. مع  
مافییه کندمده اقتدار اولدیغنی بیلدیکم ایچون

تنزلاً اشبور ساله چا کرانه می مطالعه بیوره جق  
ذوات کر آمدن واقع اولان قصور مک عفوی نی طلب  
و نیازه مجبور اولدم .

ریزه رسومات مدیری زاده

لطیفی

تاریخ تسوید فی ۲۰ مایس سنه ۱۲۹۸

---

## شام تاريخى

### برنجى فصل

— ۱ —

ميلادك التيوز اوتوز ايكي وهجرتك اونبرنجى سنه -  
سنده، كه عليه الصلواة واكل التحيات افندمز مدينه  
منورده آخرته انتقال وحضرت (ابوبكر الصديق)  
رضى الله عنه بالاتفاق خليفه بيغمبرى اولمشيدى .

هجرتك اون ايكنجى سنه سنده، كه يمامهده برطاقم خلقى  
باشنه طويلايوب نبوت دعوا ايدن ( ومستلة بن حبيب  
الكذاب ) ك اوزرينه كوندريلان عساكر اسلام ابتدا  
مغلوب وصكره غالب اوله رق جمعيتى طاغيدلشيدى .

وينه اوسننده كه برطاقم قبائل وعشار ذكات  
ويرمامك ايچون حضرت بيغمبرك وفاتنى وسيله ايدرك  
شيرازه انخراف ايله منتهاسى عقوبت الهى يى منتج  
برطريق خلاه سالك اولمشلر ايدى .

وينه اوسننده كه حضرت (ابوبكر الصديق)  
رضى الله عنه عساكر اسلاميه يى اونبر قوله تقسيم ايدرك

اطرافه کوندروب اومقولهلك كافه سنی حرباً و صلحاً  
ینه تحت اطاعته ادخال و متعاقباً مشهور ( یرموک )  
مخاربه سنی قزاقمشیدی ( بومخاربه ده اوتوز بیک اسلامدن  
اوجبیک کشی شهید اولمش و یوز یکر می بیک رومدن  
نصفی آنجق قورتیله بملشدر )

حضرت ( ابوبکر الصدیق ) رضی الله عنہک  
بومخاربه ده وجودلرینه عارض اولان تعب؛ کر کلرینی  
استیلا ایدن الم و کدر سادات فکریه لرینی کفار ایله  
مطارحه قرعه حرب و قتاله تشویق ایلسی و بوتشویقه  
آرزوی عالیلریده منضم اوله رق احیای سنت سید المرسلین  
ایچون غزا و جهاد طرفنه معطوف بولنسی قانون  
مناظره سلم و صلابت نظرنده خورشید فوز و نصرت  
الهی تک مطلع فضل نامتناهیدن بدید اولس ایله متناسب  
ایدی .

وینه اوسنده، که بالاده بیان اولندیغی اوزره برطاقم  
قبائل و عشایرک حضرت پیغمبرک دار عقبایه تشریف  
ذیشرفلرینی وسیله حسن اسایله عد ایدرک دائرة  
اطاعتدن چیمه لرینه و اوجبیک عساکر اسلامک شهید  
اولم لرینه انطاکیه ایمراطوری ( هر قیل ) ک سبب مستقل  
اولدیغی بومخاربه ده معلوم اولمغله اوزرینه شجاعتی  
مخض تأیید الاهی ایدوکی معلوم اولان ابوسفیان رضی الله

عنهك اوغلى يزيد معينيله عساكر اسلام ارسالی تصور  
بيورلمشیدی .

بو تصورات عالیلری قوه دن فعله اخراج بیورلمش  
وامرای اسلام دخی ( یرموک ) محاربه سنده شهید اولان  
شهدانك انتقامنی آلمق واعدای نحوستك منهك اولدقلری  
طریق مهالکده بر نتیجه ویرمک مقصد خیر مرصدیله  
شامه جیش نصرت سوقنی آرزو ایتمش اولملریله تدارکات  
حریه به باشلانیلهرق ترجمه سی زیرده محرر اعلاننامه  
هر طرفه ارسال؛ واول عصرده مدینه منوره به تابع  
اولان قبائل ین سرورلینه ده؛ دعوتنامه تسطیر و تسیار  
بیورلمشیدی .

### صورت اعلاننامه

یامعشر المسلمین شویله یبلك وآکاه اولنکه حق سبحانه  
وتعالی سزى سائر ائم ماضیه به ترجیح و دین اسلامه  
تفضیل ایلدی؛ وامت محمد علیه الصلواة والسلامدن  
قیلدی؛ وسزلی نصر و مبین وظفر متین ایله اعدای  
دین اوزرینه منصور و مظفر ایلدی؛ وغزا وجهاده  
مأمور اولدیغکزی مژده و تبشیر بیوردی؛ معلومکنز  
اولسونکه حضرت رسول اکرم صلی الله تعالی علیه  
والسلم شام شریفک فتح و تسخیرینی دفعاتله بزلره وعد

ومژده بیورمشیدی . امدی یامعشرالمسلین بزم مرادمز بودر که شام اوزرینه عسا کر اسلام تعیین وارسال ایدوب غزا وجهاده شروع وباذن الله تعالی کفار بدکارتک النذن شام شریفی المقدر . فی سبیل الله ولمرضات رسول الله دین اسلام اوغورنده کفار مشرکین ایله جنک وجدال و حرب و قتال ایدوب دنیا وعقباده نام و شان قزاقمقدر . ابوسفیان حضرتتترینک اوغلی یزید قومانداسیله برقاچ . کونه قدر شامه عسکر سوق اولونه جغندن شام شریفه غزا وجهاد ایتمکی آرزو ایدنلر وار ایسه شمیدن مسجد شریفه کللری اخطار اولتور .

قبائل یمنه کوندریلان دعوتنامه تک حاوی اولدیغی تأثیرات معنویه؛ مدت قلیله ظرفنده مدینه منوره یه عزیمتترینی تجبیر وتسهیل ایتمکله مرتب و مکمل اوله رق برقاچ کون ظرفنده مدینه منوره یه عزیمت ایدرک خلیفه طرفندن تخصیص بیوریلان محله اقامت ایتملردی .

خلیفه حضرتتلیله رئیس قبائل یمن اولان ( جابر بن سعد ) رضی الله عنه شام اوزرینه نه طرز ایله روان اوله جقتلیرینی؛ ونه یولده حرکت ایده جکلرینی مذاکره ایدرک ابوسفیان اوغلی یزیدی بیک سوار نامدار ایله سنجقدار وعامر اوغلی اسبه یی دخی مشاور تعیین ومأل

عالمی سطح پر حرکت اولمق اوزره ترجمه سی زیرده محرر  
تذیبه نامه پی دخی اعطا وتسییر پیور مشلردی .

### صورت تذیبه نامه

« کیده جککنز مملکتده زنهار ظلم وتعدی ایتمیکنز؛  
وزیاده پیرو اولانی قتل ایتمیکنز! ونسا وصیبانی ده قتل ایتمیکنز؛  
وحیواناتلری، مرکوباتلری هلاک ایتمیکنز؛ ودشمنان ایله  
عهد وقرار ایتمکده تقض عهد ایدوب اقرار یکنزدن  
دونمیکنز؛ ومناسترلرده، صومعه لرده برطاقم ره بانلر  
وارددر که انلر قول باطللری، زعم عاطللی مقتضاسیله  
تفسلرین رضاء لله ایچون حبس ایتمشلردر انلری صقین  
قتل ایتمیکنز؛ وصومعه لرینی، مناسترلرینی منهدم ایتمیکنز؛  
وما کول اولان هر نوع حیوانی ضرورت فوق العاده  
اولدخه کسمیه جکسکنز؛ واناجلری کسوب یاقیه جقسکنز. »

— ۲ —

وقتاکه خلیفه حضرتلرینک شام اوزرینه عساکر  
کلیه ارسال ایلدیکی؛ وبونلرک مهاجمات متوالیه لرینه  
مقابله ایده جک عساکرک شامده اولدیغی شام والیسی  
طرفندن انطاکیه ایمراطوری هراقله معلومات ویرلد.  
کده امرالزندن مرکب بر مجلس عقد ایتمیره رک وبونلره

نه یولده |مقابله ممکن اوله جغفی مذا کره ایدرک عسا کر  
اسلامیه شامه کلدکاری حالده شدتله مقابله و ابراز  
شجاعتله طرد تبعید ایتلرینی شام و ایسنه اشعار و (بطالیق)  
و (سلیبان) و (جرجیس) نامان سر عسکرانی معینه  
سکز بیک عسکر ویره رک عسا کر اسلامی هرزه ده  
بولورل ایسه محاربه ایتک اوزره ارسال ایشیدی .

اولوقتلرده نقصان اولان و سائط نقلیه سببیه یزید  
ابن ابوسفیان رضی الله عنه قومانده سیله شام اوزرینه  
کوندریلان عسا کر اسلام ( اجنادین ) نام موقعه قدر  
کیدرک ایلروسچون مذا کره ایتکنده لرکن (هراقلیوس) ک  
ارسال ایلدیکی سکز بیک عسکر بغته ظهور ایتلری؛  
و وفرت اوزره تهاجرلری و عسا کر اسلامک نصفی دیکری  
آرقلرندن کلکنده اولدیغی جهتله بو محاربه ده عسا کر  
اسلامک قلتی طبیعی آثار انهمزام کوسترمکه باشلامش  
و کفار غلبه ایتکه یوز طومش اولدیغی برحالده که  
بشیوز عسا کر اسلام ایله ارقلرندن کلکنده اولان ربعة  
بن عاعر امداده شتاب ایدوب کفازی محو و پریشان ایتکه  
موفق اولمشیدی .

بو محاربه ده ( بطالیق ) نام سر عسکرک قتل اولمشی  
اوزرینه کفازی استیلا ایدن دهشت؛ راه نجات اولان  
فراری قوه مفکره لرینه درلو مخدوراتله یرلشیدرکدن؛

و كفارك نصفی ایسه بو محاربه ده ترك دغدغه حیات  
ایلد کدنصکره ( جرجیس ) و ( سلیمان ) معیتده ایکی  
پیک عسکر آنجق قالمشیدی .

بناءً علیه ( جرجیس ) له ( سلیمان ) مایینلرنده  
وقوعبولان مذاکره ایکی پیک عسکرله محاربه قابل  
اولهمیه جفندن ضروری مصالحهیه عرض احتیاج ایتکه  
نتیجه ویره رک ( فروح ) نامنده بریسی اسلام عسکرینک  
مقدارینی ، ونه حالده ایدو کلرینی ، تجسس ایتسنی  
و کندولریله صلح اولتمق اوزره سر عسکرلرینی دعوت  
ایتسنی ، تنبیه ایدرک عساکر اسلامه کوندردیلر ؛  
و ( فروح ) دخی عساکر اسلامه کفار طرفندن کلدیکنی ،  
وسر عسکرلریله کورشمک ایتدیکنی بیان ایتسیله  
( یزید ) ک حضورینه کتوردیلر ؛ و ( فروح ) دخی  
مصالحه قضیه سبجه اولان شدت احتیاجلرینی بیان  
ومذاکره اولتمق اوزره سر عسکرلرینک کلمسنی آرزو  
ایتدکلرینی آیان ایلدی . ( یزید ) ایسه امور سیاستده اولان  
تجربه سی سببیه دسیسه در . وهم ده بزم افکارمن مصالحه  
دکلر . محاربه در محاربه ! سوزلریله ( فروح ) ی دفعه  
قیام ایلش ایسه ده امیر ربیعہ ( کیدهیم سوزلری ندر  
وصلحلمری نه وجهله در ) دی یه رک کیمتکی آرزو ایلسی  
اوزرینه کافه عساکر اسلام اعدانک فرطه شجاعتده

مثلی بولغیان ( بطالیق ) نام نامدارینی سن قتل ایتدک  
سنک بویله یالکز کفار اردوسنه کیتکلکککه قطعاً  
رضامن یوقدر. بشقه سنی کوندرهلم سوززریله عزیمتنی منعه  
شتاب ایشلر ایسه ده اول مجاهد یکتا توکلت علی الله  
یالکز سزر حاضر بولن دی یه رک ( فروح ) ایله کفار  
اردوسنه قادمه جنبان عزیمت اولمشلردی .

امیر ( ربیعہ ) ( فروح ) ایله ( جرجیس ) ک اوتاغنه  
بالوصول امیر مشار الیه آداب لازمه یه حسب المصلحه  
رعایت یورمه رق بلا استیدان اوطورمسی ( جرجیس ) ک  
قرغان هورینی فقیر قانناغنه وطبیعی عارض اولان  
حدت و تهورله مکالمه یه شروع ایلدی .

جرجیس — یا اخی العرب بودیاره سفرایدوب کلکدن،  
وزمله جنک وجدال ایتکدن مرادیکز ندر ؟

امیر ربیعہ — مرادمن سزه جمله دین اسلامی  
قبول، و امام المسلمین اولان خلیفه یه اطاعت ایتدیرمک؛  
و بیت المال مسلمینه هر سنه خراج ویردیرهک؛ و آسوده  
حال کیندیرمکدر؛

جرجیس — بودیدیککز شیشلر قبول اولنده من  
چونکه بوقدر تصورات خیالیه یی اجراه سزده  
قدرت یوق .

امیر ربیعہ — صلحاً قبول ایده مدیکز تقدیره جبراً

قبول استدیروز. شو قدر که تلف اوله جق هر فرد خالق  
حقیقتک بر مخلوق اولدیغنی خاطر یکنزدن چیقار میکنز  
ذاتاً افکاره مزده محاربه در .

جرجیس — (محاوره بی تبدیل ایدرک) کندیکنزی  
طبیعتک یوکسک مرتبه نرندن یرادلش مخلوق عد ایده -  
یورسکنز حالبوکه قوای معنویه بر در. شو قدر که بدایعک  
درجه سنده فرق کالی وارد در .

امیر ربیعه — اوت قوای معنویه نك بر اساس  
اوزرینه مستند اولدیغنی بیلور . فقط بدایعک درجه سنده  
کوریلان فرق اصلاح ودائرة اطاعتیه التمز ایچون  
المرزده استعمال ایلدیکمز تازیانه آتشینک درجه منتهایه  
قدر صالادیمزله مثبت و بوندن بشقه وقوع بولان  
تکلیفاتمزله متیندرکه، بزم قوه بدایعه مزی سزک فو -  
قکنزده شدتلی وقوی بر مرتبه ده اولدیغنی ظنی ترک  
ایتمیسکنز در .

جرجیس -- ( قوه ذکائییه سی پک کسکین بر آدم  
اولدیغندن چار چابق محاوره بی تبدیل ایدرک ) سزکله  
شو وجهله صلح اوله لکه هر سنه باشنده سزه اون چوال  
بغدای و خلیفه یه بشکش ویررسک بودیار خلقنه ظم  
وتعدی ایتمدن فارغ اولور میسکنز ؟

امیر ربیعه — بز کسه یه ظم وتعدی ایتمورز . آنجق

دین اسلامه دعوت ایدیورز. مادامکه جناب اللہک  
وحدانیتنه ورسولنک حق پیغمبر اولدیغنه ایمان اتمیه -  
جکسکیز بو اسلوب اوزره صلح اولق ممکن دکلدیر .

جرجیس — بو اسلوب اوزره صلح اولق ممکن  
دکلسه یانه وجهله صلح اولق ممکندر ؟

امر ربیعہ — جناب اللہک وحدانیتنه ورسولنک  
حق پیغمبر اولدیغنه ایمان کتورملیسکیز و مالکیزک ذکاتنی  
ویروب و شهر رمضانده صائم اولوب و بش وقت نمازی  
ادا ایتلیسکیز. و بزم کبی، سز دخی سائر ایمانه کلیان  
کفار ایله جنک وجدال ایتلیسکیز! ایشته بو اسلوب  
اوزره صلح اولق ممکندر. بوندن بشقه تجویزی دائرة  
امکانک خارجنده اولان تعهداتله و واهی ویک سطحی  
سوزرله صلح اولق ممکن دکلدیر .

امیر ربیعک اشبو کلامندن عارض اولان تأثیرات  
کلیهیه تهوراتی دخی متناسب اولدیغی حالده ینه اخفاق  
حجز ویک جزئی تهورات ایله :

جرجیس — یا امیر تعصبات دینیہ کزهی سزی بو -  
وادیلره سوق، و یوقسه افکار سخیفه غیر مقبوله کزهی -  
سزی بردائرة مخفوفه به القاواق ایده یور ؟

امیر ربیعہ — کرچه دین و اعتقادمزک آروجه  
اولسند نطولایی حتی کتم اتمک شان اسلامیتک اقتضاسندن

دکدر . قوهٔ ذکا کزک تأثر قویه سی تعصبات ملیه مزک  
حقیقهٔ حق التزام ایتمکدن عبارت اولدیغنی هنوز فرق  
ایتدیره مدیمی ؟

جرجیس — یوق یوق بختی عادتاً جریانندن پک  
کلی استفاده ایده جکک خیالات موهومه یه یقلشدرمه !  
چونکه شمدی قوهٔ بدایعه کزی جمله نک فوقنده کورد .  
یککز کبی قوهٔ اختیاریکز خارجنده برافتدار مشاهده  
ایدرسکنز .

امیر ربیعه — نه دیمک ! اولیه برافتدار ابراز ایده جک  
اولسیدق طوق بشرک خارجنده بر معامله ده می بولنش  
اولوردق ؟

جرجیس — ارتق بختک انتقال ایتدیکی جهت جنبه  
پک یقین بر مرتبه کلدی .

امیر ربیعه — مرتبهٔ جنتی احراز ایدن کسنه درجات  
مجنونیه نک باشلوجهارندن اولان حدت و شدتی لزومسز  
برحاله کدیغنی شمدیکی محاوره مز اثناسنده وقوعبولدیغنی  
کبی صرف واستعمال ایدرلر .

جرجیس — محاوره مز برحسب نتیجه بی نتیج  
اولهمیه جق ظنده می .

امیر ربیعه — شبهه یوقکه اولهمیه جق چونکه

کوکسنده نشانه جنت آصیلی اولان آدمله محاوره ایتمک  
بطبقه افاده کن کبی دائرة جنه تقرب ایتمک دیمکدر .

جرجیس — اردو کاهکنزه عودت ایتمکه مأذونسکنز !

امیر ربیعہ — درجه مأذونیتی ید محفظه مده بولنان  
قوه مفکره ذاتاً تعیین و تحدید ایتمش اولدیغندن بوسو -  
زیکزه ده حاجت یوغیدی دهرک اردو کاهکنسه عودت  
و ایرتسی کونی طرفیندن حرب صفلری ترتیبه مباشرت  
قلندرق محاربه یه بسله کش مبادرت قلندی ؛

بو محاربه ده عساکر اسلامک کوستردکاری شجاعت  
وبسالت هر عقل سلیمی حیرته اوغراده جق درجه ده  
اولوب آوازه مردانه لرینی کوکلره قدر عکس ایستردیلر؛  
و ایکبیک کفاردن فرد واحد قالمیجیه قدر اللرندن  
آلات حربیه لرینی براقیدیلر؛ والدقاری مال غنیمتی یزید  
بن ابوسفیانه تسلیم ایدرک و اول دنخی مال غنیمتک یت المال  
مسلمین ایچون مدینه منوره یه ارسالنی، و سلاحلرک،  
مهماتلرک، غازیلره تقسیمنی مناسب کوره رک یت المال  
مسلمین ایچون چیقاریلان مالی شدداد ابن اسوده تسلیم  
و بشیوز عسکرله خلیفه یه ارسال و تقدیم و فتح و ظفر  
اسلامی تبشیر ایتدی .

شداد بن اسوده تسلیماً بیت المال مسلمین ایچون کوندریلان مالی خلیفه حضر تیرینه تسلیم ایدرک کیفیتی من له الآخر بیان ایلدی؛ خلیفه حضر تیریده فوق الغایه ممنون اوله رق یزید بن ابوسفیانہ امداد کوندرمک آرزوسیله مکة مکرمه اھالیسنی غزا و جهاده دعوت ایچون خلاصه مفادی زیرده محرر نامه همايونی ارسال بیوردی .

« ( بسم الله الرحمن الرحيم والحمد لله رب العالمين وصلى الله على سيدنا محمد وآله وصحبه اجمعين ) بعده ای اهل مکة معلومکز اولسونکه شام شریف جانبنه بر مقدار عساکر ارسال اینشیدم . الحمد لله تعالی بوقدر فتوحاته نائل اولمشلر . بوقدر مال غنایم آلمشلر . امدی بندن سزه بونامه واصل اولیجق کر کدرکه مساهله وطریق مخالفده بولنمیوب علی الحجله بوجانبه عزیمت ایده سکنز . »  
ابوبکر الصديق

بونامه همايونه امثالاً ( سهیل بن عمر ) و ( حارث

بن هشام) و (عکرمه بن ابوجهل) حضراتی درتیک  
 و بنی کلاب قبیلہ سنک سرداری (ضخاک بن ابوسفیان)  
 رضی اللہ عنہ دخی اوچبیک عسکرلہ مدینہ منورہ یہ  
 عزیزتہ شتابان اولدیلر . و مدینہ منورہ یہ شول محلده  
 ایرشدیلر کہ خلیفہ شام اوزرینہ اولجہ ارسال ایلدیکی  
 عساکرہ امداد ایچون یکیدن عسکر تدارک ایدوب  
 کوندرمک آرزوسنده ایدی . ابوسفیانک امداده شتابندن  
 فوق الحد ممنون اوله رق و لازم کلان وصایای ده اجرا  
 پیوره رق عساکر اسلامک امدادینہ کوندرمشیدی .

— ۴ —

جمیع اسلام سرورلری، نامدارلری دقتلرینی  
 و حواس باطنہ و ظاہرہ لرینک جملہ سنی شام جہتنہ  
 وقف ایتشلر ایدی، کہ آرسنی چوق کچر کچنر شامہ  
 کیتک آرزوسیلہ بیک بشیوز عسکر یغلیشیدی .

خلیفہ حضرت تلریدہ عساکر اسلامہ امدادہ کوندرمکی  
 مراد ایدرک (سعید بن عامر) رضی اللہ عنہی سرعسکر  
 تعیین ایش ایسه ده صورت تعیینی بر حادثہ اخلاص  
 ایتشیدی .

بو حادثہ (سعید بن عامر) ک سرعسکر لکہ تعیین  
 اولندیغی حضرت (عمر) رضی اللہ عنہک سمع هما یونلرینہ

واصل اولدقده صلی الله تعالی علیه وسلم افندمن  
 حضرت تلرینت ( خلیفم اولان کندو اقرابی و تعلقاتی  
 سردار ایتسون ) زمینده اولان حدیث شریفنی خلیفه یه  
 بیان بیورملری ایدی که ( سعید بن عامر ) ک حضرت  
 ( ابوبکر الصدیق رضی الله عنہ اولان قراریتی مناسبتیه  
 سردار اولسنه برسد ممانعت چکمشیدی .

بو حادته اوزرینه سرعسکرلک حضرت ( ابو عبیده )  
 یه توجیه اولنهرق اول بیک بشیوز عسکرله شامه و  
 ( حضرت عمر بن العاص ) ده اون بیک عسکرله ابو  
 عبیده امداد ایتک لازم کلور ایسه شامه کیتک اوزره  
 ارض فلسیظنه و حضرت ( خالد ) ده اوچبیک عساکرله  
 شام جانبنه ابو عبیده ایله اعزام و ارسال بیورلمشله  
 ایدی .

— ۵ —

ایمپراطور هرقل یزید ایله ربیعہ اوزرینه اعزام  
 ایلدیکی عساکردن فرد واحد قالمیهرق و عساکر اسلامک  
 صولت دلسوزانه لینه عرض مقاوامت ایده میهرک ترک  
 دغدغه حیات ایتدکارینی استماع ایلدکده تیموردن یرادلش  
 کبی؛ بسبتون تمور ایچنده قاهرهق آغزندن علو؛ پوسکورر  
 کبی؛ پرحدت کوک کورلر کبی؛ برصدای مدهشله

وزرالزندن بوبابده بر تدبیر بولنسنی ایستر وینه عسا کر  
اسلام اوزرینه عسکر سوقنی آرزو ایدر طورردی .

هیما ت (ستظهورن علی الروم) حدیث شریفنی  
بیلز ایدی، که رؤیالزنده مظفریتی کنندی طرفنده کورر،  
خلیالزنده کنندینی عسا کر اسلام اوزرینه بر قوه کایه نی  
حائز بولوردی . وقوه بشریه نك خارجی براقنداری دخی  
کننده کورردی .

فقط بو خلیالز، بویلانجی رؤیالز، مظفریتلر، قوتلر،  
صبح کاذب قدر دوام ایده مدی، که خلیفه حضرتلر نیک  
شام اوزرینه بیدرپی عسا کر کایه ارسال ایلدیکی و ذاتاً  
(لئن خفف الله عنکم و علم ان فیکم صعفاً فان یکم منکم  
الف یغلبوا الغین باذن الله والله مع الصابین) آیت  
کریمه سی حکم جلیلجه یوز نفر مؤمن صابره نك ایکی یوز  
نفر دشمنانه و بیک نفر مؤمن صابره نك ایکی بیک نفر دشمنانه  
غلبه ایده جکی فرمان بیورلسی، هر اقلیوسه جداً و جعلی  
بر اضطراب و پیره نك مغلوبیتی، محرومیت آمالی کوسترمکه  
باشلامشیدی .

هر نه قدر غالبیتی، مظفریتی محال عدایتمکده ایسه ده  
ینه عسا کر اسلامیه نك شامه کلدن اول اوزرلینه عسکر  
سوقنی، و (هربس) نام نامدار کده سر عسکر تعییننی